

Preciosam Hanc et Completissimam Therium omnium
 formæ in quæto in Facultate Medicæ Pontifici
 Editorum

Et in quinque voluminibus nitide colligatorum

Bibliotheca publicis vtilis destinata

Ornamentum dedit

ne non sua erga Facultatem veneratioris et observantia

Monumentum

Hyacinthus Theodorus Baron antiquus Facultatis
 Decanus

Decano M. Hyacintho Theodoro Baroni ejus filio

Anno 1753.

THESES


tam Quodlibetaria quam
Cardinalitia in scholis
saluberrima Facultatis
Medicina Parisiensis
propugnata.

A die Jovis 4. Januarii 1674. ad
diem Jovis ii. Januarii anni 1691.

*Cura & studio M. Hyacinti
Theodori BARON D. M. P.
in ordinem digesta.*

ANNO DOMINI

M. DCCXIII.





QUÆSTIO MEDICA

QUOD LIBETARIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 4. Januarij.

M. GABRIELE DACQUET

DOCTORE MEDICO, PRÆSIDE.

An Venus Hystericarum medela?

I.

HYSTERICARUM Mulierum tria genera. Aliæ melancholiâ eroticâ laborant; aliæ furore uterino vexantur; aliæ uteri strangulatu. Melancholia erotica delirium est meticulosum mœstumque ex amore natum. Nimirum fœminæ amoris cœstro percitæ læsa imaginatio objecta quæque spernit, ut Amasij, quem formosum & elegantem putat, specie pascatur atque delectetur. Quia verò in eâ cogitatione defixa mulieris imaginatio coctionis administrum & opificem spiritum dissipat, hinc nullâ coctione ritè procedente, plurima excrementa coacervantur, unde ut plurimum sanguis per menstrua non respondet, & corpus infelicitè nutritur, ac proinde larvali macie deformatur; propè est ut vix caro ossibus hæreat, ipseque vultus olim florido vividoque colore decorus, exanguis quodam pallore fœdatur. Fœminam melancholiâ eroticâ correptam, buxam diceret, ni, cum de Amasio mentio fit, leviter pudor ora purpuret, suspiriumque furtim obrepens, & pulsus conditio ignem fateatur. Furor uterinus vel Mitromania delirium est violentum, quod effici nata vis amoris peperit, seu est ipsa melancholia erotica, quæ tractu temporis ferocior evasit. Scilicet imaginatio, quò plus in re amatâ occupatur, eò magis agrefcit, sibi que amoris spicula altius insigit, ut tandem rationis jugum excutiat, eique non amplius auscultet. Sic amore delusa mulier, inopsque rationis, pudoris omnia jura resolvit, nihilque loquitur aut agit quod cæcam non redoleat, quâ carpitur, flammam. Tanta est imperus furia amoris, ut eo incensæ Milesiæ virgines sibi laqueo necem intulerint; aliæ veluti pestilenti fidere afflatæ se in flumina præcipites deriderint; aliæ in puteos desilierint. Strangulatus uteri est melancholia erotica cum apnœa, & comate, vel spasmo conjuncta. Ipse uterus inardescens, rugis, quibus contrahitur, extensis, adeò intumescit, ventremque distendit, ut, quidquid imposueris, eum non deprimas. Sic diaphragma premit, & respirationem admittit. Tum muco quem continet rarefacto, tetram auram ad cerebrum exhalat, quæ spiritus obnubilat & consopit, suâque malignitate nervos percellit. Quidni efferatus.

2

uterus serosam in vasis stagnantem illuviem & cruda menstrua in cerebrum impellit, quæ copia nervos obturando soporem, vel acrimoniam vellicando oculorum strabismum, dentium stridorem, oris torturam, & aliarum partium anonyman convulsionem inducunt? In strangulatu suo uterus non ascendit nec descendit dum laxatis ligamentis prolabitur uterus, nihil comatosum aut epilepticum accidit; ideo nec quidquam simile contingit, si sursum irrepat, quod supra captum cogitationis est, & si sursum assurgeret, servatis quibus contrahitur rugis, abdominis molem non amplificaret, nec diaphragma opprimeret, quod in strangulatu uteri semper accidit. Cum suffocatio hysterica comatosa est difficilius curatur, facilius si sit epileptica; sed discrimen impendit ne epilepsia sympathica tandem idiopathice evadat. Ad ultima ventum est cum strangulatus uteri in apoplexiam syncopemve degenerat: illum ab hisce duobus sic distingues; in strangulatu uteri diapnoe respirationis loco est, in apoplexia anima sterendo trahitur: in strangulatu uteri pulsus est parvus & languidus, in syncope nullus.

I I.

I M M A N E quantum natura muliebri utero seminis virilis desiderium insequit. Illud vix ratio moderatur: hinc plurimæ Quartillæ, plurimæ Messalinæ, Julix plurimæ: omnes fœminæ, ne contra se facies imperiosa sua sit, pulchritudinem philtrom naturalis & potentissimum non modo arte cosmetica, sed & commotica efficiacior tuentur & custodiunt, quæ aliàs exigui temporis tyrannis est: ipsa natura quasi sui lena quod speciali, quem mulieri indidit, seminis virilis ardori satis fieret, eam tantâ venustate insignivit, ut non vir habeatur, sed effœminatus qui fœminæ non servit; eandemque qui monstrum putat, ipsemet monstrum sit. Cum semen virile muliebri uterus tam sitienter appetat, non mirum si ejus defectu hysterica Symptomata prodeant. Horum causam qui unam seminis retetionem putat, hallucinatur; cogitet potius quàm providè natura consuluit, ut nihil sola fœmina generaret, ne molarum pondere hæc rerum universitas obrueretur: adde quod, si semen retinetur, id nec quantitate, nec qualitate peccat, nec ideo quidquam incommodi affert, sed partes, quibus continetur, alit. Si à mulieribus uteri strangulatu epileptico correptis sub paroxysmi decessu ejectum semen velut morbi causa culpandum esset, vitio daretur illud quod in viris comitiali seu sacro & herculeo morbo laborantibus inclinante paroxysmo elabatur, quod tamen periodicæ totius corporis convulsionis causa non est, cum infantes & impuberes pueri eo affectu vexentur. Nec Hystericorum symptomatum altera causa existimanda est menstrui sanguinis suppressio; plurimæ, quibus menstrua non feruntur ab hysterice affectibus immunes vivunt; plurimæ à menstruorum profluvio in uteri strangulatu incidunt, quasi semen virile ardeat uterus magis eo tempore, quod conceptioni aptissimum est; fieri tamen potest ut menstrua suppressa hysterica symptomata graviora efficiant, sed hæc producere non possunt per totum vitæ curriculum statâ periodo reditura, cum menstrua continuo suppressa citò jugulent, vel ne minimùm quidem incommodent.

I I I.

Q U A M V I S horrenda hysterica symptomata sint, sunt tamen curatu facilia, cum his Venus medeatur. Hæc naturale remedium est, quod seminis virilis, quo aestuat uterus, ardorem compefcit. Quam nubilem virgunculam, cuius medullas mollis flamma urebat, vidisti decolorem, macram, veternosam, taciturnam, eandem vincolo sociali jugatam intueri, videbis non amplius lurido colore infectam, sed roseo perfusam, non exuccam & aridam, sed succosam & opimam, non vultuosam & tetricam, sed lætam & hilarem, non taciturnam, sed

fale, lepore, & festivitate dicendi omnibus aridentem. Nuptæ quæ hystericae sunt magnâ ex parte sponso id debent, qui somnos præmia magna vocat, cuique uxor laboriosa nimis possessio est. Viduæ, cui carere quibus affuevit arduum, si quando furiatur uterus, primus amor novi usu obliviscendum est: nihil homini homine similis; ne id mariti manes curare credat; si alteri viro nubat, citiùs multo sanescet. Nubili puellæ idem si contingat, sponsus adfit cui connubio jungatur stabili; tale proponenti ægra virguncula libenter obtemperabit, imò vix differri patietur quod placebit. Ideò cum fœminis hystericis, quarum devota castitas est, longè infeliciùs ageretur, ni ipsi ratio honesta momenta suggereret, quibus uteri fervescantis æstum temperent; at hæc sanatio Philosophum moralem, non Medicum sensibus addictum spectat.

IV.

QUOCUNQUE victu utetur hysterica, seminis virilis naturale desiderium vix reprimet. Cupidinis omnia plena sunt. Si se cibis ingurgitet, mellitæ urcæque pabula & fomenta suggeret; si se jejuniis maceret, sero falso scatebit, quo ad dulce Veneris opus stimulabitur. Adeò ut ingluvies ventrisque saturitas libidinis seminarium, sic ejusdem veluti calcar esuriens est. Imò jejuna quàm pasta ad Venerem alacrior; unde paupercula divite fœcundior, nihilque egestate fertilius. In jejunâ deficiens natura ad relinquendam sui expressam imaginem & spirantem effigiem vehementer aspirat. Si fœmina Syracusana, Sybaritica & opiparas mensas, seu saliares & exquisitas dapes sectetur, fieri non potest quin venter suavioribus edulis exhilaratus incalescat; si cupedia, popinas & scitamenta respuat, ut simplici & sine arte mensâ utatur, non minùs exinde amoris erumpent igniculi. Ex hominum communitate exterminandi Apicij hæredes, seu philtro- rum conditores, eorumque gulosa commentaria obliteranda; ut opsophagia Veneris nutritula, sic ejusdem stimulatrix est frugalitas. Nullum alimentum invenire est, in quo non lateat amoris aculeus, nullum quod satyrium non sit. Nec solùm cynara hortorum Dei sceptrum est, & fulcimætum labantis amoris, nec solùm bulbi salaces sunt, nec solùm fungi edules & esculenti, vescumque tuber, quamvis semine nullo nascantur, semenque non dent, seminis morsum infligunt; sed & fructus omnes flatulento spiritu amorem accendere valent. Perperam hætenus rutæ & cannabis semina, ut salicis & viticis folia adversus Venerem commendata; hæc menses, urinas, & Veneris appetitum excitant. Olim ne menta belli tempore sereretur præceptum fuit, non quòd infœcundos homines efficiat, sed quia venerè ad quam invitat pugna, aliam impedit. Frustrâ fabulati sùnt Poëta Venerem inter lactucas extinctum deposuisse Adonin; ipsa Narcotica geniales igniculos suscitant; nonne sterilis Rachel Mandragoran expetivit, ut dulces gnatos Veneris præmia nosset; Nonne Turcæ opio familiariter utuntur ut Veneris incitamento? Atheniensium Hierophantæ potiùs voluntatis energiâ quàm cicuta sorbitione viros exuebant. Si Veneris hortator atque armiger liber est, pariter ejusdem insigne irritamentum est aqua; nec injuriâ Venus ex spumâ maris prodiisse fertur. Incassum olim Memphisitici Sacerdotes, ne commiscendorum corporum libidine tentarentur, sale abstinabant; etiamsi ne micam salis degustemus, serum salum erit in corpore aliquâ sui parte semini immiscendum, plurimâ verò sudore vel urinâ proditurum. Frustrâ aliqui ut libidinis pruritum removeant, pani sal aspergunt; fœtifera Nili aqua, quæ nitrosa est; cineres sale repleti agros fœcundant; naves sale onustæ murium feraces; salum piscibus abundat; & marini Dij olim petulantissimi habiti. Nihil generationis avida natura produxit, quod generationi non inserviat. Otia si tollas non perire arcus cupidinis; non modò amor

occupatio animi otiosi, sed etiam ardua molientis; laboriosæ Musæ junctum habent Apollinem, & qui Apollinaris putatur, læpè cupidineus pallor est; ipsi Marti quem armaret, & exarmaret Venerem Poëtæ sociarunt; nec venatricem suoque arbitrio viventem Dianam omnibus ut Acteoni injuriam fuisse credibile est. Amori læta similiter & tristitia corda patent. Somnus, qui sensus omnes consopit, sensum Veneris non adimit, quasi natura æternitatis amans speciei propagationi semper invigilet.

V.

U T cupidinei ardoris non remissi individua comes est melancholia hysterica, ex quâ furor uterinus & vulvæ strangulatus certâ periodo prodeunt, sic eorum recursus sisti non potest, nisi melancholia hysterica discutatur, maxime seminis virilis extincto desiderio. Plurima tamen remedia sunt quæ hisce symptomatis urgentibus adhibentur. Injicitur clyster in quo caphura ad candelam accensa subinde extincta sit, aut dissoluti ex eâ parati trochisci. Galbanum dragmæ pondere oggeritur, aut ejus loco facilius assumendæ olei de caphurâ aut de Gagatæ gutturæ aliquot. Eadem umbilico illinuntur, tum etiam naribus; perdicum pennæ usque etiam his admoventur, tum ut odoris acerbitate cetebrum constringant, quò hysterico halitu minus infestetur, & calore tetrum illum halitum digerant, tum etiam ut facultatem, quæ per musculos thoracem movet, sopitam suscitent; cavendum tamen ne continuâ admotione nativum calorem refrigerij indigum perimant. Si sternutatio sponte non obrepit, arte procuratur. Cucurbitulæ femoribus affiguntur. Inter cardiaca confectiones Alkermes, & de hyacintho; quæ moschum & ambram admittunt, rejiciuntur. Mithridatium & theriaca, licet hysterici halitus malignitatem oppugnent, tamen in immenso refrigerij necessitate immenso calore deleteria sunt. Unicum cardiacum habetur venæ sectio, eaque primum calci adhibetur, ut ab utero vapor sanguisque ad cerebrum irrepsura detrahantur, totumque corpus depleatur, sanguine, quem partes superæ tenent, in vacuati locum accedente, ac proinde spirandi potestas detur, aut saltem diaphnoe liberior evadat. Si post sectam saphænam pergente symptomatum impetu hysterica scævina meliuscula non sit, sanguis è brachio mittitur, ut pectus cerebrumque depleantur, ne apoplexia & syncope, exitiosa symptomata accendant. Verùm heu quot ingrata remedia misellæ scævinae usurpanda, ut ejus semper in ancipiti, vix aliquando in vado res sint: nonne ipsi magis expediret statim mori quàm vivere si amoris violentiâ centies moriatur? Tutius cum illâ naturâque duce ageretur, si Veneris rorè uterus irrigatus deferberet.

Ergo Venus Hystericarum medela.

DOMINI DOCTORES DISPUTATURE.

M. Ludovicus Gallais.

M. Petrus le Large, Lusitanorum Regina Medicus primarius.

M. Egidius le Bel, Medicus unicus Regis fratris ordinarius.

M. Franciscus Gouët.
M. Petrus Crescé.

M. Antonius Ioannes Morand.
M. Alexander Michaël Denyau, Professor Regius.

M. Abrahamus Thewart.
M. Franciscus Pijart, Scholæ antiquissimus.

Proponebat Lutetiæ RENATUS CHAUVEL.
Cenomanensis, A. R. S. H. MDCLXXIV.